

四庫全書

史部

欽定四庫全書

史部

欽定歷代職官表卷

四十九
五十

編修_臣 翟槐覆勘

纂修兼校勘翰林院編修_臣 馮集梧

謄錄貢生_臣 張彭齡

欽定四庫全書

欽定歷代職官表卷四十九

盛京五部等官表

盛京五部	郎	特
代		
秦		
漢		
後漢		
三國		
晉		
宋		
梁		
陳		
北魏		
北齊		
後周		
隋		
唐		
宋		
遼		
金		
元		
明		

盛京五部郎中員外郎主事

井省吏
郎郎中
井省主
客郎中
井省比
郎郎中
井省三
公郎中
井省右
民郎

東京郎
社署令
東京武
庫令
東京諸
市署令
北都軍
署監

東京戶上京提領北行南京吏
部使 舉皇城司書省郎中司
中京度司提舉郎中員外郎中員
支使 同提舉外郎 外郎主
西京計南京提上郎八事
司 舉京城作司 南京戶
中京大所提舉上郎 郎十三
忠使 同提舉府司 司郎中
員外郎
主事

南京提
郎四司
郎中員
外郎主
市
南京提
郎四司
郎中員
外郎主
南京利
郎十三
司郎中
員外郎
主事
南京主
郎四司
郎中員
外郎主
事

盛京內務府各官

刺建昌
官事
使建昌
副使建昌

東京內務府上庫修
省司苑使內司大
中京大東司使
內都部京師上庫
署司殿閣門應司大
南京宣官使副使
廠使東京萬上庫
和南京京師小庫
宣廠院都監使副使
使事
知南京
宣廠院
南京宣
廠副使
同知南
京宣廠
院事
南京東
庫司

[illegible]

欽定四庫全書

卷四十九

盛京五部等官

國朝官制

盛京戶部侍郎一人

滿洲員額各部官屬並同凡盛京官品秩俱視京師

掌

盛京稅賦之出納及官莊旗地歲輸之數謹其儲積
辨其支給以時稽核而會計之歲終則要其成以
聽於在京戶部焉

盛京自

金史卷之八十九
國初設有六部承政叅政等官順治元年

世祖章皇帝定都燕京悉裁諸舊制官不備設以內大臣等官鎮守戶禮刑工四曹咸屬焉五五年復設禮部十六年復設戶部工部康熙元年復設刑部皆置侍郎及其官屬三十年又設兵部侍郎於是五部之制始備五部舊各設理事官一人康熙六十年省雍正八年設尚書一人以總五部尋罷之戶部經會司郎中一人員外郎一人主事一人糧儲司

郎中一人員外郎一人主事二人農田司員外郎二人
主事一人堂主事二人銀庫掌關防郎中一人員外郎
一人司庫一人庫使八人掌官莊六品官二人筆帖式
二十三人內倉正副監督各一人

分掌錢糧倉庫租稅徵收及關支存貯之政令順
治十四年初置戶部滿洲郎中二人員外郎五人
主事二人司庫二人筆帖式十有五人康熙二十
九年增設員外郎四人筆帖式八人雍正五年增

設漢人郎中一人員外郎二人主事二人乾隆三年改戶部滿洲員外郎一員為銀庫員外郎八年省漢人員額又省滿洲員外郎四人增設滿洲主事二人堂主事二人初

盛京五部司屬皆以本地人員除授雍正五年

命在京各部掄員往補其本地人員皆撤回以京曹調用

乾隆八年

詔以京員與本地人員參半除用十八年復

諭吏部定議用京員十之七本地人員十之三以歸平允焉

盛京禮部侍郎一人

掌

盛京祭祀朝會燕饗之儀式及園池果蔬畜牧之用咸辨其物而以供時薦焉

禮部左司郎中一人員外郎二人右司郎中一人員外郎二人堂主事一人讀祝官八人贊禮郎十有六人筆

帖式十人管千丁六品官一人鳳凰城迎送朝鮮官三人助教四人

分掌朝儀祀典職貢教習之事員額俱順治十四年定筆帖式初設十有二人乾隆八年省二人又有牧務總管一人掌牧場乳牛以錦州副都統兼管其屬有六品翼領一人七品牧長十有七人八品副牧長十有七人牧副三十有四人副牧副三十有四人皆總轄於禮部焉

盛京兵部侍郎一人

掌

盛京武備及郵驛邊防之政

兵部左司郎中一人員外郎二人主事二人右司郎中一人員外郎二人主事二人堂主事二人筆帖式十有二人驛站正副監督各一人驛丞二十九人

分掌駐防驛遞簡稽軍實之事員額俱康熙三十年定惟員外郎初置六人乾隆八年省二人

盛京刑部侍郎一人

掌

盛京旗民之獄訟會奉天府共讞之邊外蒙古訟者會扎薩克副台吉共讞之秋審則定其爰書以送在京刑部與各直省同

刑部肅紀前司郎中一人員外郎二人主事一人肅紀左司郎中一人員外郎二人主事一人肅紀右司郎中一人員外郎一人主事三人肅紀後司郎中一人員外

郎一人主事一人堂主事二人

員外郎內置蒙古二人主事內置蒙古二人漢

軍一筆帖式三十人

內蒙古二人漢軍五人

賊罰庫司庫一人庫

使一人司獄一人

內漢人一人

分掌訊囚斷獄賊罰禁繫之事郎中初置二人康

熙二十八年增二人員外郎初置四人康熙二十

八年增四人乾隆八年又增蒙古二人省滿洲四

人主事初置三人乾隆八年增三人又置堂主事

二人筆帖式初置十有五人康熙二十九年增十

有四人雍正五年又增五人乾隆三十八年以滿洲筆帖式一缺改為司獄又雍正五年置刑部漢人郎中一人員外郎二人主事一人乾隆八年省盛京工部侍郎一人

掌

盛京營造工作製器物料及諸色工匠之屬凡黃瓦廠席廠灰廠缸廠炸子廠木炭等壯丁咸司其役籍焉

工部左司郎中一人員外郎二人主事二人右司郎中
一人員外郎二人主事二人堂主事二人筆帖式十有
七人內漢軍一人銀庫司庫二人庫使八人管千丁四品官
一人管理燒造瓦料五品官一人管理匠役六品官一
人看守

大政殿六品官二人

分掌營繕製造之事郎中員額順治十四年置員
外郎初置六人乾隆八年省二人主事初置四人

乾隆八年增二人又雍正五年置工部漢人郎中
一人員外郎二人主事一人亦乾隆八年省又舊
置有司匠一人乾隆二十九年省

盛京內務府鑲黃正黃正白三旗佐領各一人驍騎校
一人營造司承管催總一人廣儲司承管司庫二人庫
使十有六人兼領三旗織造庫催總三人掌儀司承管
催總二人筆帖式三人廣寧承管催總一人都虞司承
管催總二人筆帖式一人會計司承管催總二人筆帖

式二人堂主事一人委署主事一人管理三庫內管領
一人筆帖式十有五人三旗內管領一人掌領達一人
倉達三人筆帖式三人

掌祇奉

三陵守護

宮殿凡營葺掃除之宜四時品物薦獻之禮咸共其
事粟穀果蔬蠃薨皮革之著於籍者則辨其數而
納之以儲邦用皆佐領率其屬經理之而總其成

於奉天將軍馬鑲黃旗正黃旗佐領順治三年置
正白旗佐領順治八年置各驍騎校康熙十九年
置營造掌儀都虞三司催總初各置一員乾隆二
十九年各增一員會計司催總初置三員乾隆二
十九年省一員廣儲司司庫初置三員後省一員
庫使初置十員乾隆九年增六員堂主事內管領
等員俱乾隆十九年以來先後增置

奉天府尹滿洲一人丞漢人一人

尹掌

留京治化與其禁令丞掌學校考試以為之貳

國初設遼陽府知府順治十四年改建奉天府置尹
一人康熙三年增置丞一人乾隆三十年始以

盛京侍郎兼管奉天府尹事務皆由

特簡無常員

奉天府治中漢人一人通判滿洲一人

興京理事通判滿洲一人儒學教授漢人一人經歷司

經歷漢人一人司獄司司獄漢人一人

分掌府屬之政令治中通判康熙三年置

興京通判乾隆二十八年置教授經歷初皆屬遼陽

府順治十四年改隸奉天府旋設訓導一人後省司

獄康熙七年置又初設有奉天府推官一人康熙

六年省

承德縣知縣滿洲一人典史漢人一人

職掌品秩與大興宛平二縣同員額俱康熙三年

置舊有縣屬巨流河巡檢一人乾隆四十二年省
歷代建置

三代

金履祥通鑑前編成王八年周公分正東都

尚書洛誥命公後蔡沈集傳成王留周公治洛謂
之後者猶後世留守留後之義

尚書序周公既沒命君陳分正東郊成周

鄭康成禮記注

君陳周
公子

杜佑通典成王命君陳分正東郊成周曰尹茲東郊蓋今河南牧之任亦留守之始

尚書序康王作冊畢分居里成周郊孔安國傳分別民之居里成定東周郊境使有保護畢公代周公為太師為東伯命之代君陳

尚書畢命惟十有二年六月庚午肱越三日壬申王朝步自宗周至於豐以成周之衆命畢公保釐東郊

謹案成王營洛邑為東都謂之成周此即後世陪京之制所自始成周在鎬京之東八百里而商民所居又在成周王城之東二十五里稱為下都說者謂尚書所稱東郊即指下都而言故王應麟以下都為保釐大臣所居然殷民密邇王室風聲所樹式訓非難保釐大臣自當仍在東都王城之中未必即與殷頑錯居於下都之地也至周公君陳畢公相繼分正東都皆以懿

戚重臣膺治洛之任非僅後世守臣可比而據
尚書尹茲東郊之文則陪京置尹實本於此故
仍繫之於篇以著其朔云

秦未置

漢

後漢書百官志京兆尹左馮翊右扶風三人漢初
都長安皆秩中二千石謂之三輔中興都雒陽更
以河南郡為尹以三輔陵廟所在不改其號但減

其秩

張衡西京賦封畿千里統以京尹李善注漢書曰
內史周官武帝更名京兆尹

謹案後漢以長安為西京與東京對舉則即如
今之

盛京其云統以京尹則原西漢初制而後漢之未
易尹名即於此可証

三輔故事光武徙都洛陽太常卿一人別治長安

主知祭事

東觀漢記光武中興都洛陽又於南陽置郡

張衡南都賦陪京之南居漢之陽薛綜注南都在
南陽光武舊里以置都

謹案東漢卜宅洛陽長安南陽雖並有西都南
都之名而其制稍殊蓋長安為舊京故仍屬司
隸校尉所部而守臣亦不改尹名尚近後世陪
京之制至南陽則守臣但為太守與列郡無異

其所謂南都者不過取邑有先君廟之義而已
至長安別置太常卿以奉陵廟後漢書百官志
不載僅見於三輔故事蓋如今

盛京之設禮部以奉

三陵也

三國 未置

晉 未置

宋齊梁陳 未置

謹案曹魏以譙郡許昌長安魏郡與洛陽並號
五都而自河南以外其官號並無列郡江左諸
朝亦並無別建陪京之制惟晉惠帝幸長安僕
射荀藩等與其遣官在洛陽者為留臺號曰東
西臺然其時以故都無主承制行事乃一時權
宜之制非定制也

北魏

魏書韓顯宗列傳顯宗上書曰春秋之義有宗廟

曰都無則謂之邑此不刊之典也況北代宗廟在
馬山陵託馬王業所基聖躬所載其為神鄉福地
益亦遠矣今使同之郡國臣竊不安愚謂代京宜
建畿置尹一如故事崇本重舊以光萬葉高祖善之
謹案魏自孝文遷洛以後平城故都即改為列
郡故官氏志所載官品令太和初定者有代尹
其續定者則但有河南尹而無代尹矣韓顯宗
所言雖稱高祖善之當時實未舉行然考肅宗本

紀熙平二年十月詔曰北京根舊帝業所基云云是魏在洛京時平城亦嘗有北京之稱特其官號未備耳

北齊

北齊書孝昭帝本紀天保五年除并省尚書令乾明元帝以長廣王湛錄并省尚書事後主本紀天統三年以并省尚書左僕射婁定遠為尚書左僕射武平三年以并省吏部尚書高元海為尚書右

僕射元景安列傳判并省尚書右僕射源文宗列
傳并省尚書隴西辛慈羊烈列傳遷并省比部郎
中崔瞻列傳天保初兼并省吏部郎中文苑列傳
并省主客郎中盧思道并省三公郎中劉珉并省
右民郎高行恭

隋書百官志後齊尚書省都令史八人

謹案北齊繼魏建都於鄴而晉陽實為創業之
地當時倚為根本故特置尚書省以莅其事隋

書百官志雖未備載并省各官職官而以史傳
參考則有錄尚書事尚書令尚書左僕射尚書
右僕射各部尚書及諸曹郎官規制畧具明代
南京並設六部其源蓋本於此至并州刺史雖
無尹號而據白建傳稱晉陽國之下都每年臨
幸徵召差科責成州郡本藩寮佐爰及守宰諮
承陳請趨走無暇云云則其任亦極為要劇故
多以尚書省長官兼領之如長廣王湛以并省

錄尚書事領并州刺史是也

兄武成
帝本紀

又王晞傳

載晞嘗為并州長史蓋晞本孝昭所親信故付
以留司之任殆亦如今府丞之職歟

後周

後周書武帝本紀建德六年相并二總管各置官
及六府官宣帝本紀大象元年二月詔起洛陽宮
移相州六府於洛陽稱東京六府河陽幽相豫亳
青保七總管受東京六府處分

隋書地理志 河南郡洛陽有漢已來舊都後周置
東京六府魏郡後周曰相州置六府宣政初府移
洛太原郡後周置并州六府後置總管廢府

隋書高祖本紀周太象二年以世子勇為洛州總
管東京小冢宰

謹案後周稱洛陽為東京別置六府以總司留
務蓋即後世陪京六部之比特史失其官制之
詳不可復考然觀楊勇以總管兼小冢宰則所

設當自小冢宰以下而不及六卿正如今

盛京五部之但設侍郎也至相并二州為北齊舊
都故亦各置六府以鎮之然不立都名視東京
又為少異云

隋

隋書煬帝本紀仁壽四年十一月帝幸洛陽詔曰
我有隋之始便欲創茲懷雖因機順動今也其時
但成周墟堦弗堪葺宇今可於伊洛營建東京設

官分職以為民極大業元年三月詔尚書令楊素
納言楊達將作大匠宇文愷營建東京徙豫州郭
下居人以實之五年正月改東京為東都

通典河南尹隋初為洛州刺史復為河南內史大
業初為荊河州刺史又為河南太守尋為河南尹
與京兆同

唐六典隋文帝罷郡以州統縣改別駕治中為長
史司馬煬帝罷州置郡罷長史司馬置贊治後改

為丞又置通守以貳太守京兆河南等為內史○
漢京兆尹統長安令後漢河南尹統雒陽令魏晉
以後皆因之隋初兩京置四縣京兆下大興長安
河南下河南洛陽
增秩為正五品丞尉悉用他郡之人

隋書百官志河南尹正三品罷長史司馬置贊務

即贊治唐人
避諱改之一人以貳之從四品次置東西曹掾

從五品主簿司功倉戶兵法士曹等書佐改行叅
軍為行書佐河南洛陽縣令並增為正五品其後

諸郡各加置通守一人位次太守河南則謂之內史又改縣尉為縣正尋改正為戶曹法曹分司河南洛陽則加置功曹而為三司司各二人

謹案隋既於洛陽置東都又改太守為河南尹於是規制始全同京兆然並未別置尚書省蓋在京百司行幸則從故東京別無專署觀煬帝自東京幸江都以越王侗光祿大夫假達太府卿元文都檢校民部尚書韋津等總留後事足

知陪京衆務皆出一時簡任未嘗設有省僚也
又齊王暕傳暕於大業初為豫州牧明年轉雍
州牧尋徙河南尹是東都初昉西都置牧以主
府事其後罷州置郡改雍州牧為京兆尹故豫
州牧亦並改為河南尹耳

唐

舊唐書憲宗本紀元和六年十月以戶部尚書韓
皋為東都留守判東都尚書省事穆宗本紀長慶

二年二月以河東節度使司空平章事裴度守司徒充東都留守判東都尚書省事七月以前義武節度使陳楚為東都留守判尚書省事敬宗本紀寶曆二年八月以太常卿崔從檢校吏部尚書判東都尚書省事兼御史大夫東都留守文宗本紀大中十一年六月以特進檢校司空杜悰判東都尚書省兼御史大夫充東都留守

新唐書職官志御史臺東都留臺有中丞一人侍

御史一人殿中侍御史二人監察御史三人元和後不置中丞以侍御史殿中侍御史監察御史主留臺務而三院御史亦不常備

陸游老學菴筆記唐人本謂御史在長安者為西臺言其雄劇以別分司東都事見劇談錄

唐六典兩京郊社署令各一人丞一人門僕八人齋郎一百一十人掌祠祀祈禱之禮武庫令兩京各一人丞一人監事一人掌箴天下之兵仗兩京

諸市署令各一人丞各一人掌百族交易之事北

都軍器監監一人

開元初令少府監置
十六年移向北都

少監一人

丞二人主簿一人錄事一人掌繕造弓弩之屬以
時納於武庫

謹案唐六典稱東都百僚廨署皆如京城之制
而官不備設據舊唐書所載則常以留守兼判
東都尚書省事蓋留司衆務不可無所統屬故
特畀以綜理之任而別無寮屬則其閒簡可知

惟分司御史臺以有稽察之責故中丞以下獨
設有定額觀元禎傳有禎為東臺監察御史攝
河南尹房式於臺擅令停務一事則為是官者
尚能自舉其職然其後亦不全設若兩京並置
之郊社署令武庫令諸市署令等官則仍統於
在京之太常衛尉太常諸寺並不別置長官也
至史傳所載分司之官在東都者如李固言杜
悰以太子太傅李聽以太子太保崔珙以太子

少師李德裕裴休夏侯孜以太子少保李紳李
珣以太子賓客田融以檢校刑部尚書韋貫之
以太子詹事崔羣以祕書監盧行術王式以王
傅李佐以王府長史王彥威以衛尉卿舒元興
以著作郎此類甚多然皆不過冗員散秩蓋本
以罪廢黜及老病退閑之人或有田宅在東都
者因假虛銜以示優禮如宋世祠祿之比其實
並無官曹職事如嚴挺之請就醫京師以員外

詹事詔歸東都蓋即其例與明代之南京官又
不相同矣

通典顯慶二年置東都改刺史為長史而洛州本
置牧一人以親王為之多以長史理人開元元年
改洛州為河南府改長史為尹其牧尹之制一如
京兆諸曹書佐亦如之開元以後增置太原府為
北京官屬制置悉同兩京

舊唐書職官志河南太原府牧各一員尹各一員

少尹各二員司錄叅軍二人錄事四人功曹戶兵

法士等六曹叅軍事各二人叅軍事六人執刀十

五人典獄十一人問事十二人白直二十四人經

學博士一人助教二人學生八十人醫藥博士一

人助教二人學生二十人河南洛陽太原晉陽謂

之京縣令各一人丞二人主簿二人錄事二人佐

二人史四人尉六人司功佐三人史六人司倉佐四人史八人司

戶佐五人史十人司兵佐三人史六人司法佐五人史十人司士佐四人史八人

典獄十四人問事八人白直十八人博士一人助教一人學生五十人

謹案唐自開元以前車駕歲幸東都百司皆從唐書張嘉貞傳載嘉貞為中書令帝數幸東都洛陽主簿王鈞為嘉貞繕第足知供億浩繁故河南尹稱為劇任中葉以後東幸之禮久廢河南尹乃與列郡刺史無異張延賞傳載大厯初延賞除河南尹輕徭賦䟽河渠流庸歸附鄭珣瑜

傳亦載珣瑜為河南尹賤歛貴發以便民時方
伐蔡河南主餽餉百姓不知僦運勞是其職固
全主民事而兵柄則別屬之東都留守故河南
尹當如今之奉天府而留守則近於今之奉天
將軍矣

說別詳奉天將軍篇

至唐代又以扶風為鳳翔府

蜀郡為成都府蒲州為河中府荊州為江陵府
漢中為興元府華州為興德府陝州為興唐府
各置尹少尹等官蓋以其曾經駐蹕及形勢扼

要之地故特重其任與陪京之制不同今但附見於此

趙璘因話錄王并州璠自河南尹拜右丞相除目纔到少尹侯繼有宴以書邀之王判書後云新命雖聞舊銜尚在遽為招命堪入笑林洛中以為話柄故事少尹與大尹遊宴禮隔雖除官亦須候正敕也

五季

舊五代史梁太祖本紀開平元年升汴州為開封府建名東都以宣武節度副使皇子友文為開封尹開封浚儀為赤縣

謹案唐自昭宗遷洛梁太祖以宣武節度遂移唐祚因建汴州為東都而凡郊天享廟必就洛陽行事是當時仍以洛陽為都城汴州特陪京之比後唐滅梁開封已降為州至晉天福三年復升汴州為東京其洛京改為西京於是始自

洛定遷於汴而洛陽乃為陪京矣五季規模草畧時代亦極短促本不足為典則今姑並著於表以附見其一時之制云爾

舊五代史唐莊宗本紀同光元年以魏博節度判官王正言為禮部尚書行興唐尹以河東軍城都虞侯孟知祥為太原尹充西京副留守以澤潞節度判官任圜為工部尚書兼真定尹充北京副留守李承勲列傳累遷至太原少尹盧程列傳任圜

為興唐少尹

謹案冊府元龜載長興三年中書省奏稱本朝都長安以京兆府為上今都洛陽請以河南府為上其五府舊以鳳翔府為首河中成都江陵興元為次中興初升魏博為興唐府鎮州為真定府皆是建業興王之地宜升在五府之上合為七府是後唐以洛陽為京都太原魏博以莊宗創業之地真定以控制北邊升為西京東京

北京而鳳翔等各建府名亦俱仍唐舊其尹及少尹皆以守臣兼之今並著其崖畧於此然任園未嘗為興唐少尹其為少尹者乃園弟團資治通鑑載盧程答興唐吏事作任團為少尹此則薛史之誤而歐史亦仍之者也

舊五代史晉高祖本紀天福六年七月以前鄴都留守廣晉尹高行周為河南尹西都留守

舊五代史職官志梁開平元年四月始置建昌院

以博王友文判院事以太祖在藩時四鎮所管兵車賦稅諸色課利按舊簿籍而主之五月中書門下奏請以判建昌院事為建昌宮使仍以東京太

祖潛龍舊宅為宮二年二月以侍中

原本有闕文
据五代會要

以侍中韓建
判建昌宮使

判建昌宮事十月以尚書兵部侍郎

李皎為建昌宮副使三年九月以門下侍郎平章

事薛貽矩兼延資庫使判建昌宮四年十二月以

李振為建昌宮副使乾化二年五月以門下侍郎

平章事于兢兼延資庫使判建昌宮事六月廢建昌宮

謹案梁以四鎮賦稅課利舊籍別置建昌宮使以領之正如今

盛京內務府之比而宮使以外又命宰臣判其事則亦如今奉天將軍兼管內務府事也其官專司帑藏已別系之戶部三庫表內今仍互見於此篇

宋

柯維騏宋史新編職官志河南府為西京應天府

為南京設官畧與開封府同牧尹少尹不常除牧從

二品尹從三品
少尹從六品

闕則置知府事一人通判一人判

官推官各一人其屬有司錄戶曹法曹士曹叅軍

士曹或蔭叙起家不常置助教有特恩而授者不羣

務使院牙職左右軍巡悉同開封

開封府有左右
軍巡使判官各

二人左右廂公
事幹當官四人

盧多遜幸西京詔定鼎洛邑我之西都燔柴泰壇
國之大事況削平江表底定南方惟率土之混同
自上天之鑒祐內慙涼德感是洪休得不罄以恭
虔申其告謝瞻惟京而西顧兆陽位於南郊豆籩
陳有楚之儀黍稷奉惟馨之薦朕令暫幸西京取
四月內選日有事於園丘宜令有司各揚其職禮
容儀衛典故在焉

謹案西京有園丘則宋時西南北三京特以西

京為重故幸西京詔擬諸定鼎洛邑西京屬官
有左藏庫使蓋常有大事於西京故供用悉取
諸左藏同於內省也

老學菴筆記本朝都汴謂洛陽為西京亦置御史
臺至為散地以其在西京號西臺名同而實異也
宋史職官志政和三年資政殿大學士鄧洵武言
河南應天大名府號陪京乞依開封制正尹少之
名從之

慶厯二年升大名府為北京

王闢之澠水燕談錄慶厯中北邊求闕南地丞相

呂文靖公召彭年計之

太子中舍于壽光人

彭年云宜

治西北行宮若將親征者以壓其謀乃以大名府為北都

李元綱厚德錄張文節公知白初叅知政事為王欽若所排知南京○吳節使元辰知河南值河溢督工壅塞民無墊溺

江休復隣幾雜志大名府學進士劉建侯與妻同

殺人程琳尚書知府日殺之

謹案宋河南府應天府設官畧與開封府同史
稱牧尹少尹不常除闕則置知府事一人厚德
錄及隣幾雜志所稱知河南知南京知大名府
蓋即職官志所云尹不常除者也

馬端臨文獻通考宋制天子親征則命親王或大
臣總留守事其西南北京留守各一人以知府事
兼之

宋史新編職官志三京赤縣令正八品主簿尉俱
正九品

謹案宋太祖以歸德節度使受禪故建宋州為
南京而洛陽以唐舊都大名以控制契丹建為
西北二京然牧尹皆不正除常以他官知府事
亦時以重臣作鎮如文彥博以太尉判河南府
是也至其他規制皆與列郡無異南渡以後武
林建業並建行宮武林視汴都建業視三都故

建康知府亦帶有行宮留守之號然俱權時措置僅有虛名其規模益無足道矣

歐陽修王武恭公神道碑男次曰咸融西京左藏庫使

王安石馬正惠公神道碑改西京作坊副使遷西京作坊使

謹案宋史職官志有西京作坊東西染院使西京作坊東西染院禮賓副使使為大夫副使為

郎與西京左藏庫使副使並設南北京不見此
職蓋其規制視洛陽為稍殺矣

遼

遼史百官志遼有五京上京為皇都凡朝官京官
皆有之餘四京隨宜設官為制不一大抵西京多
邊防官南京中京多財賦官○東京內省司東京
大內不置官嬪惟以內省司副判官守之○五京
諸使職名東京戶部使司中京度支使司南京三

司使司南京轉運使司西京計司○五京留守司
兼府尹職名某京留守行某府尹事某京副留守
知某京留守事某府少尹同知某京留守事同僉
某京留守事某京留守判官某京留守推官○五
京學職名道宗清寧五年始設學養士置博士助
教各一員上京學東京學中京學南京學亦曰南
京太學太宗置聖宗統和十三年賜水磴莊一區
西京學○中京文思院中京文思使馬人望父佺

為中京文思使○中京大內都部署司中京大內
都部署中京大內副部署○南京宣徽院南京宣
徽使知南京宣徽院使事知南京宣徽院事南京
宣徽副使同知南京宣徽院事○南京栗園司典
南京栗園

王圻續文獻通考遼有五京聖宗時設東京中京
南京宰相府各有左右相左右平章政事

謹案遼以上京為皇都其中東西南四京皆當

同陪京之制而聖宗以後三京皆置宰相府以總其省事則亦如今

盛京設五部之比特其官職較崇耳至其他約畧相近者如東京戶部使中京度支使西京計司皆當如今

盛京戶部之職中京文思使當如今

盛京工部之職東京內省使中京大內都部署司

南京宣徽院南京栗園司當如今

盛京內務府之職而府尹之以留守兼領則又沿唐之舊制也

金

金史百官志諸京留守司留守一員正三品帶本府尹同知留守事一員正四品帶同知本府尹副留守一員從四品帶本府少尹留守判官一員從五品掌紀綱總府衆務推官一員從六品掌同府判分判刑案之事上京兼管林木事司獄一員正

八品知法女直漢人各一員南京漢人二員○諸縣令一員從七品丞一員正九品主簿一員正九品尉一員正九品在諸京倚郭者曰京縣自京縣而下以萬戶以上為上三千戶以上為中不滿三千為下○上京提舉皇城司提舉一員從六品同提舉一員從七品○南京提舉京城所提舉一員正七品同提舉一員從七品掌本京城壁及繕修等事不常置上京同此管勾一員正八品掌佐修

治受給官一員掌收支之事壕寨官一員掌監督
修造○東京宮苑使一員西京北京同○東京西
京御容殿閣門各二員掌享祀禮數鋪陳祭器○
東京萬寧宮小都監一員

謹案金都燕為中京而以會寧為上京遼陽為
東京大同為西京大定為北京汴梁為南京其
守臣皆以留守兼府尹之事然考之金史列傳
有稱會寧尹者有稱會寧少尹者有稱同知會

寧府事者有稱同知會寧府尹者皆不帶留守職
銜疑或兼或否亦無一定又有稱判東京留守
者則亦官尊特異其文不為常制蓋如今以
盛京侍郎兼奉天府尹也至上京為太祖創業之
地宗室國戚多在焉世宗時又屢徙諸明安穆
昆以實上京其任最為繁劇當必尚有官司以
治之而史所載惟大定二十五年以會寧府官
一人兼大宗正丞以治宗室之政此外別無可

考見觀世宗本紀又有東京麴院都監一職而百官志亦不之及知其所漏闕者良多矣又諸京各官內如皇城司提舉京城所掌繕修之事當如今

盛京工部宮苑使御容殿閣門萬寧宮小都監掌宮殿苑囿之事當如今

盛京內務府而諸京縣令品秩獨不得比於大興宛平則其制度亦較為從減矣

元

元史百官志上都留守司品秩職掌如大都留守
司而兼治民事車駕還大都則領上都諸倉庫之
事留守六員正二品同知二員正三品副留守二
員正四品判官二員正五品經歷二員都事四員
照磨兼管勾一員令史四十四人譯史六人回回
令史三人通事知印各二人宣使一十二人國初
置開平府中統四年改上都路總管府至元三年

又給留守司印十九年併為上都留守司兼本路
都總管府其屬修內司秩從五品掌營修內府之
事大使一員副使三員直長三員祇應司秩從五
品掌裝鑾油染裱褙之事大使一員副使二員直
長三員器物局秩從五品掌造鐵器內府營造釘
線之事大使一員副使一員直長二員儀鑾局秩
正五品大使二員副使三員直長二員至大四年
罷典設署改置為局兵馬司秩正四品指揮使三

員副指揮使二員知事一員提控案牘一員警巡

院秩正六品達魯噶齊

解見戶部篇

一員警巡使一員

副使二員判官二員開平縣秩正六品達魯噶齊

一員尹一員丞一員主簿一員尉一員典史一員

八作司品秩職事悉與大都左右八作司同達魯

噶齊一員提領大使副使各一員餼廩司掌諸王

駙馬使客飲食大使一員副使一員○嶺北等處

行中書省國初太祖定都於哈刺和林之西因名

其城曰和林立元昌路中統元年世宗遷都大興

始置宣慰司都元帥府大德十一年改立和林等

處行中書省右丞相左丞相各一員至大四年省

右丞相皇慶元年改嶺北等處行中書省治和寧

路統有北邊等處

每省丞相一員平章二員右丞一員左丞一員參知政事二員

嶺北減一員郎中二員員外郎二員都事二員檢校照磨管勾各一員理問二員

元史地理志和寧路始名和林太祖十五年定河

北諸郡建都於此前後五朝都焉世祖遷都大興

和林置宣慰司都元帥府大德十一年立和林等處行中書省置和林總管府皇慶元年改和林路為和寧路

謹案元世祖始相宅於桓州東漂水北之龍岡建開平府後以闕廷所在加號上都歲一臨幸率以為常當時在京諸司從行者皆於上都別建官舍謂之上都分署其規制與大都無異惟上都留守司為守土之官吏稱其職掌與大都

留守司同考大都留守司所掌為守衛宮闕都城調度本路供億諸務兼理營繕內府諸邸都宮原廟尚方車服殿廡供帳內苑花木及行幸湯沐宴游之所門禁關鑰啟閉之事而上都留守司以兼本路總管又治民事故所屬如兵馬司警巡院開平縣皆彈壓京輦之事修內司祇應司器物局儀鑾局皆供奉內廷之事實兼有今府尹及內務府之職而八作司掌營造又如

今

盛京工部之事餽廩司掌供給朝貢人使則如今
盛京禮部之事蓋其職務繁劇故無所不統也至
和林為元太祖創業舊邦最稱重地元史明宗
紀載至順元年監察御史言嶺北行省控制一
方廣輪萬里為太祖肇基之地國家根本繫焉
者是也雖後代不立都名而特設行中書省以
總其事亦即今

盛京五部之比故並附著於表又考馬祖常有上都學宮詩而百官志不見開平建學之制案元制各路皆有儒學教授學正學錄等員統於總管府上都留守司實兼總管府事則開平學官亦當屬於留守矣

明

明史職官志南京宗人府

經厯司經厯一人

吏部尚書一

人右侍郎一人

司務一人文選考功驗封稽勲四清吏司各郎中一人主事一人

凡南京官六年考察考功掌之不由北吏部戶部

尚書一人右侍郎一人

司務一人照磨一人十三
司郎中十三人員外郎九

人主事十七人所轄寶鈔提舉司提舉一人廣儲
庫承運庫贓罰庫甲乙丙丁戊五字庫寶鈔廣惠
庫軍儲倉各大使一人長安門倉東安門倉西安
門倉北安門倉各副使一人龍江鹽倉檢校批驗
所各大總督糧儲一人以戶部右侍郎加禮部尚
書一人

書一人右侍郎一人

司務一人儀制祠祭主客精
膳司各郎中一人儀制祠

祭二司各主事一人所
轄鑄印局副使一人

兵部尚書參贊機務一人

右侍郎一人

司務一人武選職方車駕武庫四司
郎中四人員外郎二人主事五人所

轄典牧所提領一人會同
館大勝關各大使一人
成化二十三年始專以

本部尚書叅贊機務同內外守備官操練軍馬撫

卹人民禁戢盜賊振舉庶務故其職視五部為特

重云刑部尚書一人右侍郎一人
司務照磨各一人十三司郎中

十三人員外郎五人主事十四人
分掌南京諸司及公侯伯五府

京衛所刑名之事工部尚書一人右侍郎一人
司務

一人營繕虞衡都水屯田四司郎中四人員外郎
二人主事八人所轄營繕所所正所副所丞各一

人龍江清江二提舉司各提舉一人文思院寶源
局軍器局織造所龍江抽分竹木局瓦屑壩抽分

竹木局各大使一人

都察院右都御史一人右副都御史一

人右僉都御史一人

司務經歷都事照磨各一人司獄二人

浙江等

九道各御史二人福建等四道各御史三人

嘉靖後不

全設恒以一
人兼數道

凡刷卷巡倉巡城巡江屯田印馬巡

視糧儲監收糧斛點閘軍士管理京營比驗軍器

皆叙而差之清軍則偕兵部兵科覈後湖黃冊則

偕戶部戶科提督操江一人

以副僉都御史為之
領上下江防之事

通政使司通政使一人右通政一人右叅議一人

掌收呈狀付刑部大理寺卿一人右寺丞一人司
審理經歷一人

一人左右寺丞各一人詹事府主簿翰林院學士一
人左右評事各一人

人不常置以翰林坊局國子監祭酒一人司業一
人官署臧孔目一人

人監丞一人典簿一人博士三人助教六人太常
學正五人學錄二人典籍一人掌饌一人

寺卿一人少卿一人典簿一人博士一人協律郎
三人贊禮郎七人司樂二人

各祠祭署合奉祀光祿寺卿一人少卿一人典簿
八人祀丞七人

大官珍饈良醢掌醢四署太僕寺卿一人少卿二
各署正一人署丞一人

人寺丞二人鴻臚寺卿一人主簿一人司儀司賓
主簿一人

贊四人序
班九人

尚寶司卿一人吏戶禮兵刑工六科給

事中六人又戶科給事中一人管理後湖黃冊行

人司左司副一人欽天監監正一人監副一人主簿

一人五官正一人五官靈臺郎二
人五官監候一人五官司書一人太醫院院判一

人吏目一人惠民藥局
生藥庫各大使一人五城兵馬司指揮各一人
副指揮各三人

人吏目
各一人○應天府府尹一人府丞一人治中一人

通判二人推官一人經歷知事照磨檢校各一人

儒學教授一人訓導六人所轄上元江寧二縣各

知縣一人縣丞一人主簿一人典史一人司獄一
人織染局大使一人左右副使各一人都稅司宣
課司四稅課局二各大使一人副使或一人或二
人龍江遞運所大使副使各一人批驗所大使一
人河泊所官一人龍江關石灰山關各大使一人
副使四人○南京官自永樂四年成祖往北京置
行部尚書備行在九卿印以從是時皇太子監國
大小庶務悉以委之惟封爵大辟除罪三品以上

文武職則六科都給事中以開政本故在南也十八年官屬悉移而北南京六部所存惟禮刑工三部各一侍郎在南之官加南京字於職銜上仁宗時補設官屬除南京字正統六年定制復如永樂時

謹案周公營洛本在王畿後漢京兆南陽始有陪京之號而設官置吏仍與列郡無異後周洛京與相并二州同設六府亦不過行臺尚書省

之比唐代始於東都立尚書省御史臺及分司
各官漸開冗濫之端然猶未備建六官偏置省
寺也明自永樂遷都南京官吏已從減省其後
仁宗復以北京為行在南京各部寺因悉補設
如初迨正統既定都北京南京官僚仍舊並置
而實無職業可任於是裁閑置散者則一切屏
之於南京其為是官者亦率以養高自放不復
事事其間如吏部都察院尚有考察之責則又

借以行其私意遇有一事則紛紜論列與北京
部院互相攻擊羣肆把持徒受冗官之弊於實
政毫無裨益

國家以

盛京為肇基重地式循舊典備列班聯

聖聖相承以時損益五部侍郎靖共厥職各有專司曹
郎則中外並用以釐衆務仍總其成於在京各
部奉天尹丞以下分猷布化庶績咸熙冗曠悉

除官常倍飭

陪京制度斟酌得宜實前代所莫及也

欽定歷代職官表卷四十九

欽定四庫全書

欽定歷代職官表卷五十

總督巡撫表

三代秦漢後漢三國晉

宋齊

北魏

北齊

後周

隋

唐

季宋

遼

金

元明

總

方伯

州牧

州牧

州牧

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

督

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

司馬

總督巡撫

國朝官制

總督

正二品加尚書銜從一品

直隸一人

駐保定府

江南江西一人

駐江寧府

福建浙江一人

駐福州府

湖北湖南一人

駐武昌府

四川一人

駐成都

都府

陝西甘肅一人

駐蘭州府

廣東廣西一人

駐肇慶府

雲南貴州

一人

駐雲南府

掌綜治軍民統轄文武考覈官吏修飭封疆直隸

初設巡撫後加總督銜後又改為直隸總督仍管

巡撫事又有三省總督駐大名府兼轄山東河南
又有宣大總督駐山西大同府以宣化府屬之後
俱省兩江總督初兼轄河南後定為兩江總督轄
江蘇安徽江西湖廣總督初為川湖總督後定為
湖廣總督轄湖北湖南四川初設巡撫後裁設總
督兼管巡撫事陝甘總督初兼轄四川改轄山西
後定為陝甘總督轄陝西甘肅雲貴總督初兼轄
廣西後定為雲貴總督轄雲南貴州又河南初設

河東總督轄河南山東後省凡總督例兼都察院

右都御史銜其應否兼兵部尚書銜由吏部請

旨定奪

巡撫

從二品加侍
郎銜正二品

直隸一人

總督

山東一人

駐濟南府

山西

一人

駐太原府

河南一人

駐開封府

江蘇一人

駐蘇州府

安徽一人

駐安

慶府

江西一人

駐南昌府

福建一人

駐福州府

浙江一人

駐杭州府

湖北

一人

駐武昌府

湖南一人

駐長沙府

陝西一人

駐西安府

甘肅一人

總督

兼廣東一人

駐廣州府

廣西一人

駐桂林府

雲南一人

駐雲南府

貴州

一人

駐貴陽府

掌宣布

德意撫安齊民修明政刑興革利弊考羣吏之治會總督以詔廢置三年大比獻賢能之書則監臨之其武科則主考試直隸初設順天巡撫正保巡撫宣府巡撫後併定為直隸巡撫江南初設廬鳳巡撫後定為安徽巡撫江西初設南贛巡撫湖北初設鄖陽巡撫後俱省湖南初設偏沅巡撫後改為湖

南巡撫陝西初設延綏巡撫寧夏巡撫後俱省凡
巡撫例兼都察院右副都御史銜其應否兼兵部
侍郎銜由吏部請

旨定奪

歷代建置

謹案總督巡撫其官俱肇置於明代明初命京
官巡撫地方有軍事則命總督軍務因事而設
事已旋罷原非為一定官稱其後各省俱有之

且因事增置遂為定員然總督巡撫之名已見於南北朝晉書前秦載記王猛表曰總督戎機

胡三省通鑑注曰總督戎機猶都督中外諸軍

事也

魏書李崇傳北齊書斛律金傳周書文帝紀俱有總督字

陳書蕭摩訶

傳吳明徹曰吾為總督必須身居其後亦謂為

大都督後周書武帝紀建德二年詔皇太子賁

撫巡西土五年復遣巡撫西土此倣於左傳所

謂從曰撫軍者也

左傳宣十三年王巡三軍拊而勉之杜預訓拊為撫此巡

撫二字
所出也

至唐高祖儀鳳元年遣大臣分道巡撫
以宰相來恒為河南道大使許元超為河北道
大使左丞崔知悌司業鄭祖元為江南道大使
後又謂之存撫于慎行穀城山房筆塵以為巡
撫之名實起於此但其事任所屬由來已久蓋
嘗由明而溯之自黃帝立左右大監
宋書百官
志作立四
監於萬國嗣是而四岳九牧八伯十二師俱
為統率之職至周而二伯九采益為明備漢分

天下為十三州後各置牧蓋郡縣之歸管轄自此而始魏晉而後刺史特重類以將軍持節總統諸郡非僅曩時刺舉之任迨隋開皇中廢郡為州刺史專理一郡名存職廢而總管都督節度使之號由斯著矣宋懲藩鎮之弊節度諸使之除授特以優禮勛賢或為武臣序進之階其州牧之任則自有閫帥漕憲等官而制又一變元立行中書省明初因之後改為十三布政司

後於布政司上又設巡撫總督則督撫者實當
行中書省之任而與古之牧伯侔矣又元於在
京中書省之外分立行省以控治諸路天下郡
縣有直隸中書省者有隸諸行省者故諸路亦
號為省明既改布政司則當稱某司若總督巡
撫職同奉使帶部院堂上官銜又當稱行部或
行院而案牘相沿概稱為省蓋亦沿元之舊至
本朝以督撫專制地方以布政按察二司為之屬

以佐其政治大小相維名實始為允稱明又有
巡按御史原於秦之御史監郡後以與巡撫不
相統屬文移亦多窒礙定巡撫為都御史而所
用巡按御史多新進喜事之人倚勢作威受賕
不法或強與州縣之事舉錯任意為弊尤甚我
朝定制裁去以都御史副都御史為督撫兼銜而
事權始一矣至若唐之節度使官級崇重其勲
績較著者率加平章事以寵之久則進兼侍中

中書令而平章事之罷政出鎮者亦多帶舊銜以行宋以宰相出判大藩均謂之使相此則皆由一時特授而不為常制我

朝督臣之擢任大學士者間令仍管舊任以隆委寄其督撫所帶尚書侍郎銜之應加與否悉由部請

旨遵行規制周詳視前代之舛錯紛雜者網維倍為整肅謹以歷朝異同之故先為撮叙於此以明

綱領而建置沿革之本末則次第列具左方以
資考核焉

三代

羅泌路史夏后氏紀十國而有長長有師五長而
一師師五十國州十有二師州有牧牧稟命於上
京孔氏謂州十有二師為三萬人非也此不過所
謂承以大夫師長者商周之連率卒正也
春秋左氏傳昔夏之方有德也貢金九牧

謹案史記黃帝立左右大監監於萬國此正如
殷周時天子之老所謂分天下以為二伯者沈
約謂刺史之職即黃帝之四監非矣堯立八伯
以典諸侯立四岳以稽八伯八伯即九牧也禮
記疏堯時有四伯堯之末分置八伯周禮疏按
書傳云元祀巡守四岳八伯注云堯時以羲和
為六卿并掌方岳之事是為四岳出則為伯其
後乃置八伯據此則四岳亦當賦政於外如召

伯之巡行南國者歟州十二師即十二牧此有
虞之制而羅氏屬之夏后氏者蓋弼成五服禹
所手定且當受命之初猶仍十二州之制其後
乃制為九牧爾

詩商頌相土烈烈鄭康成箋相土居夏后之世承
契之業入為王官之伯出長諸侯孔穎達疏王肅
云相土在夏為司馬之職掌征伐

謹案相土以諸侯之長入為王官伯此與四岳

之出主諸侯者亦復不同其云相土為司馬蓋
文子淮南子俱有契為堯司馬之文此云相土
烈烈而箋云承契之業故本以為說然相土以
司馬而長諸侯則正如今之總督兼兵部尚書
之比也

尚書盤庚邦伯師長孔安國傳國伯二伯及州牧
也衆長公卿也

謹案益稷篇州十有二師鄭云師長也孔氏則

云三萬人故此師亦訓衆疏順傳為義因云衆
官之長然開始即云邦伯邦國之伯諸侯師長
故為東西二伯及九州之牧則亦不覺以師長
屬邦國言之可知邦伯猶言邦君而師長則猶
是虞夏時之十二師五長也

禮記王制千里之外設方伯五國以為屬屬有長
十國以為連連有帥三十國以為卒卒有正二百
一十國以為州州有伯

謹案王制殷制也鄭康成謂殷之州長曰伯虞
夏及周皆曰牧孔穎達則謂孔安國之意不然
故於盤庚之邦伯云州牧也竊疑左右之二伯
伯為定名而州長之伯例得通稱為牧故唐有
九州則為八伯虞置十二州即為十二牧楚辭
亦云伯昌作牧若然則竹書紀年所云王季為
殷牧師者恐亦方伯之別名而非如周禮夏官
之牧師僅掌牧地者矣

周禮天官牧以地為名

鄭康成注
牧州長也

春官宗伯八命

作牧

注一州
之牧

九命作伯

注長諸侯
為方伯

禮記曲禮九州之長曰牧明堂位九采之國

鄭康成注

九州之牧
典貢職者

謹案虞有八伯殷制八州八伯故康成據周禮

邦國建牧之文以為畿內不置伯有鄉遂之吏

主之此當如後世畿輔府州直隸京師之比然

今周禮鄉遂之職略不見有長畿內諸侯之事

而秋官掌交則云九牧之維書之周官則云以
倡九牧史記亦云武王徵九牧之君即鄭於左
傳之五侯九伯固以為九州當有九牧則所謂
畿內不置伯者疑亦就八伯言之爾

尚書康誥孟侯孔穎達疏孟長也五侯之長謂方
伯使康叔為之長者即州牧也

詩序旄丘責衛伯也鄭康成箋衛康叔之封爵稱
侯今曰伯者時為州伯也周之制使伯佐牧春秋

傳曰五侯九伯侯為牧也

謹案周制一州一牧二伯佐之此康成據左傳
為說也牧於外曰侯傳云五侯知是五牧鄭謂
太公分陝而治當四侯半一侯不可分故言五
侯說頗迂曲則服虔所云五侯公侯伯子男九
伯九州之長者斯為當矣然二伯佐一牧則正
如今各省設有巡撫而總督或兼轄數省之例
也

秦

謹案秦廢侯國為郡縣而漢因之當時郡守皆
即今之知府其上雖有監御史而秩甚卑且無
專治所與今督撫不同故郡事皆直達於天子
然漢郡百餘而秦止四十郡專制尤廣且如會
稽一郡幾當今之為省者三是雖為郡守而且
與今兼轄數省之總督侔矣故附識於此以見
古今事勢之所由變革焉

漢

漢書百官志武帝元封五年置部刺史成帝綏和元年更名牧哀帝建平二年復為刺史元壽二年復為牧

漢書朱博列傳初何武為大司空與丞相方進共奏言古選諸侯賢者以為州伯書曰咨十有二牧所以廣聰明燭幽隱也今部刺史居牧伯之位秉一州之統位下大夫而臨二千石失位次之序臣

請罷刺史更置州牧以應古制奏可及博又奏請
罷州牧置刺史如故奏可

謹案漢官典儀云刺史周行郡國以六條問事
非條所問即不省故刺史稱傳車其吏言從事
居無常治吏不成臣而何武以為居牧伯之位
秉一州之統且謂刺史古之方伯一州表率蓋
上所委任亦權勢所積至此然秩卑寵渥今之
督撫固非其例故不著於表若夫州牧既設其

時乃畧無可紀之人蓋二千石位任尚重而其
為牧者亦僅循資自全者爾

後漢書光武帝本紀建武十八年罷州牧置刺史
謹案漢武帝初置部刺史成帝時改為牧哀帝
時復為刺史後又為牧經王莽變革建武元年
復置牧至此改為刺史而後漢書百官志第云
成帝更為牧建武十八年復為刺史則徑似成
帝改牧以後直至建武十八年而始復為刺史

者疎矣

後漢書劉焉列傳焉遷太常時四方兵寇焉以為
刺史威輕不能禁建議改置牧伯鎮安方夏請選
重臣以居其任焉議得用出為監軍使者領益州
牧太僕黃琬為豫州牧宗正劉虞為幽州牧皆以
本秩居職州任之重自此而始

謹案後漢州牧以本秩居職此正如明之總督
巡撫不定為品秩各以京官繫銜之例也

三國

三國蜀志諸葛亮列傳領益州牧馬超傳章武元年遷驃騎將軍領涼州牧

謹案馬超領涼州牧此當為州牧遙領之始然馬超先據涼州時已自稱征西將軍領并州牧矣

三國魏志文帝本紀黃初三年以荆揚江表八郡為荊州孫權領牧故也

南齊書州郡志吳置持節督州牧八人

三國吳志陸抗列傳孫皓即位加鎮軍大將軍領益州牧鳳凰二年拜大司馬荊州牧

謹案三國州牧一如漢末之制故著此數條以存其概

南齊書百官志魏晉世州牧隆重刺史任重者為使持節都督輕者為持節督起漢順帝時御史中丞馮赦討九江賊督揚徐二州軍事而何徐宋志

云起魏武遣諸州將督軍王珪之職儀云起光武
並非也

杜佑通典後漢光武建武初征伐四方始權置督
軍御史事竟罷建安中魏武為相始遣大將軍督
軍而表紹分統諸軍為三都督魏武征孫權還又
使夏侯惇督二十六軍文帝黃初三年始置都督
諸州軍事或領刺史明帝太和四年司馬懿征蜀
加號大都督高貴鄉公正元二年司馬昭都督中

外諸軍事尋加大都督

謹案總督之名昉於古之都督南齊書以為起漢順帝時杜佑通典以為起光武及魏武為相時然皆總理戎事為用兵而設其都督諸州或兼領刺史實起於黃初三年蓋都督以治軍刺史以治民二者兼領而職任始重亦如今之督撫其理軍事也則有各標營咸稟節制其理民事也則府州縣胥歸統轄制頗相近但魏晉都

督兼領刺史者止治其所駐之一州其餘則仍別置刺史所謂單車刺史俾專治民之責是兼理之中仍有分理之制故宋出廬陵王義真都督南豫豫雍司秦并六州諸軍事而所制者仍南豫州也後魏以杜超都督冀定相三州諸軍事叔孫建都督冀青等州諸軍事

並見通鑑

其制亦

同此耳至後周改為總管而三都督之名亦相沿不廢隋始以為散官都督之名遂微至唐復

設都督後漸易為節度使亦兼領刺史而其任益專矣蓋都督之始末如此今撮叙其概以便省覽焉

晉

司馬光資治通鑑太康元年以司隸所統郡置司州凡州十九詔曰漢末刺史內親民事外領兵馬

今天下為一刺史分職皆如漢氏故事

胡三省注
察舉郡縣

長吏而已悉去州郡兵大郡置吏百人不郡五十人交

州牧陶璜言州兵未宜約損僕射山濤亦言不宜
去州郡武備然其後刺史復兼兵民之任州鎮愈
重矣

謹案漢司隸校尉統三輔三河宏農七郡亦止
專司察舉初以司隸官屬制置如州儀故俗稱
司州至晉乃以京輔所部定名置司州司隸校
尉統之而司隸校尉即為州牧之任渡江以後
以揚州刺史主京畿遂罷司隸不設而杜佑以

為晉罷司隸校尉置司州者誤也

通典晉都督諸軍為上監諸軍次之督諸軍為下
使持節為上持節次之假節為下伐吳之後以賈
充為使持節假黃鉞大都督總統六師太康中都
督知軍事刺史理人各用人也惠帝末乃并任非
要州則單為刺史江左以來都督諸軍尤重惟王
導等權重者乃居之

謹案晉氏南遷以揚州為京畿穀帛所資皆出

焉以荆江為重鎮甲兵所聚盡在焉三州戶口
居江南之半自非親賢重望不居是職故荊州
亦稱陝西而襄陽江夏彭城廣陵歷陽京口各
置名州為藩鎮重寄當時所謂要州蓋謂此也
太康時分釐治軍治民之職不旋踵而仍併為
一蓋有不治軍之刺史而無不治民之都督江
左尤重其任惟權位最隆者乃始居之亦時會
使然也

通典自魏晉以後刺史多帶將軍開府州與府

各置僚屬州官理民

別駕治中
以下是

府官理戎

長史司
馬等官

是

謹案魏晉以下幕府各有僚屬自別駕治中以
下名號不一皆本州之佐官各有職掌自唐以
郡守稱刺史而治中別駕遂為郡僚其節度使
屬官則有判官推官書記支使之類至宋而閫
帥漕憲又各有其屬官而唐節度之幕職反為

列郡之佐僚矣今總督巡撫既不設掾屬而治中判官等員又各從其長以散見於他表茲並不復著而揭其大畧於此後歷代不復叙列焉

宋齊梁陳

宋書百官志刺史每州各一人

通典宋有都督諸州諸軍事舊曰監某州諸軍文帝即位改監為都督刺史任重者為使持節都督輕者為持節皆銅印墨綬進賢兩梁冠絳朝服而

領兵者武冠自魏以來庶姓為州而無將軍者謂之單車刺史凡單車刺史加督進一品都督進二品不論持節假節宋與魏同

隋書百官志梁官多同宋齊之舊州刺史二千石受拜之明日辭宮廟而行

北魏

魏書官氏志高祖詔羣僚議定百官著於令都督府州諸軍事從第一品上都督三州諸軍事第二

品上司州刺史第二品中都督一州諸軍事從第二品下高祖復次職令司州牧從第二品上州刺史第三品中州刺史從第三品下州刺史第四品謹案北魏刺史固即魏晉以來州牧之任然唯都督軍事兼領者權寄特重而單州刺史秩亦稍替故即南朝官制刺史亦有在第五品者至隋而刺史僅為理一郡之官蓋積輕之勢然也通典行臺省魏晉有之昔魏末晉文帝討諸葛誕

散騎常侍裴秀尚書僕射陳泰黃門侍郎鍾會等

以行臺從至晉永嘉四年東海王越帥衆許昌以

行臺自隨是也

越請討石勒表以行臺自隨

及後魏謂之尚書

大行臺別置官屬

後魏道武帝置中正行臺以秦王儀為尚書令以鎮之孝文帝

永熙三年以宇文泰為大行臺以蘇綽為行臺度支尚書

謹案魏晉以後稱尚書省為中臺

見吳諸葛恪傳

亦稱

為內臺

見宋書百官志

其隨所管之道置於外州以行

尚書事者則號之為行臺肇端於魏晉為專征

金匱要略卷之三
討而設不為常制至後魏始開府置屬號為尚
書大行臺於一路府州無所不統然亦以專主
軍事也至後齊始理民事隋則設官尤衆謂之
行臺省則兵農刑政盡歸統轄矣行臺專制一
方實為今制府之職其官屬必以尚書僕射侍
郎為職亦猶今督撫之兼兵部尚書及侍郎也
至隋以省稱遂為元行中書省之所自始焉

北齊

通典北齊司州曰牧制州為上中下三等每等又有上中下之差自上上州至下下州凡九等

隋書百官志後齊制官多循後魏行臺在今無之其官制令僕射其尚書丞郎皆隨權制而置員焉

通典北齊行臺兼統民事自辛術始焉

武定八年辛術為東

南道行臺東徐州刺史郭志殺郡守文宣聞之勅術曰江淮初附百姓難向京師留卿為行臺亦欲理邊民免枉監理牧守自今以後所統十餘州地諸有犯法者刺史先啟聽報以下先理後表齊代行臺兼總民事則自術始也

欽定四庫全書

欽定歷代職官表

卷五十

三

謹案行臺之制後魏志無文隋志僅存其大畧
考齊文宣帝勅辛術之文則其統轄職掌均可
概見矣通典又言江左無行臺惟梁末以侯景
為河南王大行臺承制如鄧禹故事蓋梁特循
襲北魏暫設此制不為常典也

後周

北周書盧辯列傳雍州牧九命戶三萬以上州刺
史正八命戶二萬以上刺史八命戶一萬以上刺

史正七命戶一萬以下刺史七命總管刺史加使持節諸軍事

通典後周改都督諸軍事為總管又有大都督帥都督都督

馬端臨文獻通考後周改都督諸軍事為總管武帝時以王謙為益州總管總管之名始此

謹案周明帝紀武成元年正月改都督諸州軍事為總管自是為總管者安成公憲天水公廣

尉遲綱尉遲迴即見明帝紀蔡國公廣

即天水公

尉

遲綱邵國公會趙國公招杞國公亮衛國公直
見於武帝紀俱在王謙為總管之前馬氏云王
謙為總管總管之名始此非也

隋

通典隋雍州置牧餘州並置刺史亦同北齊九等
之制總管刺史加使持節至開皇三年罷郡以州
統縣自是刺史之名存而職廢

通典隋代三都督並以爲散官煬帝改大都督爲
校尉帥都督爲旅帥都督爲隊正至此則都督之
名微矣

文獻通考隋文帝以并益荆揚四州置大總管其
餘總管府置於諸州列爲上中下三等加使持節
煬帝悉罷之

通典大行臺隋謂之行臺省有尚書令僕射

左右
任置

各一人主事四人有考功

兼吏部主
爵司勳

禮部

兼祠部
主客

膳部兵部

兼職方

駕部庫部刑部

兼都官司門

度支

兼倉部

金部工部屯田

兼水部虞部

侍郎各一人每臺置食貨

農圃武器百工監副各置丞錄事等員蓋隨其所

管之道置於外州以行尚書事

唐

新唐書百官志西都東都北都牧各一人從二品

通典唐諸州復有總管亦加號使持節武德五年

以洛荆并幽交五州為大總管府七年改大總管

府為大都督府總管府為都督府

新唐書百官志注武德初有行臺有大行臺其官有尚書省令掌管內軍民總判省事有僕射二人自左右丞以下諸司郎中畧如京省

通典唐初亦置行臺貞觀以後廢

唐六典大都督府都督一人從二品長史一人從三品中都督府都督一人正三品長史一人正五品上下都督府都督一人從三品長史一人從五

品上

謹案唐武德初邊要之地置總管以統軍加號使持節蓋漢刺史之任其後改曰都督總十州者為大都督後去大字凡都督府有刺史以下如故然大都督又兼刺史而不檢校州事其後都督加使持節則為將諸將亦通以都督稱惟朔方猶稱大總管大都督皆親王遙領都督府之政以長史主之而節度使所治州有都督府

者則領長史焉

謝維新合璧事類唐自武德至天寶以前邊防之制其軍城鎮守皆有使而道有大將一人曰大總管已而又曰大都督至太宗時行軍征討曰大總管在其本道曰大都督高宗永徽以後都督帶使持節者謂之節度使然猶未以名官景雲二年以賀拔延嗣充河西節度使自此接乎開元天寶之間朔方隴右河東河西諸鎮皆置節度使緣邊之

地凡八節度外任之重無比焉至德以後中原刺史亦循其例受節度使之號若諸州在節度使內者皆節度焉

唐六典天下之節度使有八曰關中朔方節度使曰河東節度使曰河北幽州節度使曰河西節度使曰隴右節度使曰劍南節度使曰磧西節度使曰嶺南節度使

舊唐書地理志至德之後刺史皆治軍戎遂有防

禦團練制置之名要衝大郡皆有節度之類或易

以觀察之號東都畿汝防禦觀察使

領汝州東都留守兼之

河陽三城節度使宣武軍節度使義成軍節度使

忠武軍節度使天平軍節度使兗海節度使武寧

軍節度使平盧軍節度使陝州節度使潼關防禦

鎮國軍使同州防禦長春宮使鳳翔隴節度使邠

寧節度使涇原節度使朔方節度使河中節度使

昭義軍節度使河東節度使大同軍防禦使魏博

節度使義昌軍節度使成德軍節度使義武軍節
度使幽州節度使山南西道節度使山南東道節
度使荊南節度使劔南西川節度使東川節度使
武昌軍節度使淮南節度使浙江西道節度使浙
江東道節度使福建觀察使宣州觀察使江南西
道觀察使湖南觀察使黔中觀察使嶺南東道節
度使嶺南西道桂管經畧觀察使邕管經畧使容
管經畧使安南都護節度使大中咸通之間隴右

歸國又析置秦州節度使涼州節度使瓜沙節度使

謹案舊志所列蓋據唐中葉言之至其後節度
屢有增設或多賜軍號而觀察防禦亦多改為
節度使或并或析不可備書矣

新唐書百官志節度使副大使知節度事行軍司
馬副使各一人同節度副使十人節度使掌總軍
旅顯威賞初授具帑抹兵杖詣兵部辭見觀察使

亦如之辭日賜雙旌雙節行則建節樹六纛視事之日設禮案高尺有二寸方八尺判三案節度使判宰相觀察使判節度使團練使判觀察使罷秩則交廳以節度使印自隨留觀察使營田等印以郎官主之鑲節樓節堂以節院使主之其後有持節為節度副大使知節事者正節度也諸王拜節度大使者皆留京師

謹案唐初遣大使十三人巡省天下諸州水旱

則遣使有巡察安撫存撫之名後又置十道按察使各道一人後改曰十道按察採訪處置使後又曰採訪處置使後又兼黜陟使後定改曰觀察處置使考唐之巡察使察舉州縣再周而代乃後世巡按之比其安撫存撫宣撫諸使則固今巡撫之官所由昉也若觀察使類為節度使兼職無節度之州亦特設之所司道俗宣風網理郡縣正即今巡撫兩司之職蓋觀察初為

按察雖非即明之按察使然職分相近故唐書稱其豐稔為上考省刑為中考辦稅為下考而王圜續通考亦謂明設按察司即觀察之職後遂以觀察為今守巡道之稱則指其副貳言之唐地理志雖與節度並列要不得即指為巡撫也又建中後行臺亦置節度諸使大率節度觀察皆兼所治州刺史云

唐會要貞觀二年邊州別置經畧使至德二載賀

蘭進明除五府經畧兼節度使建中元年除元琇
始不帶五府經畧

謹案經畧二字見於左傳至唐始以名官其以
節度兼者則有副使永淳元年婁師德為河源
軍經畧副使是也蓋唐制一道兵政屬之節度
使民事屬之觀察使然節度多兼觀察兵甲財
賦民俗之事無所不領謂之都府又各道雖有
度支營田招討經畧等使然亦多以節度使兼

金史四庫全書卷五十一
之蓋使名雖多而主其事者每道一人而已

五季

五代史王處直列傳此中之法自將校為刺史升團練防禦而至節度使

謹案節度使之專橫至五季而極冗濫又為特甚然遷進亦自有其序也故著之於此

宋

柯維騏宋史新編開封府牧從二品諸府牧九州

牧同

宋史職官志節度使無所掌其事務悉歸本州亦無定員恩數與執政同以待宗室近屬外戚國壻年老久次者若外任除殿帥始授此官亦止於一員或有功勛顯著任帥守於外及前宰執拜者尤不輕授

王明清揮麈餘話節度州有三印節度印隨本使在闕則納於有司觀察印則長吏用之州印則畫

付錄事掌用至暮歸於長吏凡節度在鎮兵仗之屬則觀察屬官用本使印判狀田賦之屬則觀察屬官用本使印簽狀刺史屬縣則用州印本使判狀故命帥必曰某軍節度某州管內觀察等使某州刺史必具此三者言軍則專制兵旅言管內則專總察風俗言刺史則治其州軍此祖宗損益唐制軍兵之務職守之分俾各歸其實也

謹案唐節度觀察使俱帶本州刺史是以都府

而兼治州事宋則以知州綜諸使務而節度觀察特為兼判遙領之官則雖節度初除領院降麻禮數尤異已非復唐州鎮之任而此下如承宣觀察團練防禦刺史俱無職任特以為武臣遷轉之次序而已

宋史職官志經畧安撫司經畧安撫使一人以直秘閣以上充掌一路兵民之事皆帥其屬而聽其獄訟頒其禁令定其賞罰稽其錢穀甲械出納之

名籍

沈括夢溪筆談予為鄜延經畧使日新一廳謂之
五司廳延州正廳乃都督廳治延州事五司廳治
鄜延路軍事如唐之使院也五司者經畧安撫總
管節度觀察也唐制方鎮皆帶節度觀察處置三
使今節度之職觀察歸安撫司處置歸經畧司

謹案宋制帥臣任河東陝西嶺南路職在綏御
外藩則為經畧安撫使兼都總管以統制軍旅

河北及近地則止為安撫使蓋經畧安撫使正
如今總督兼巡撫之比而止為安撫使者則如
今巡撫之比也又宋有制置使或兼經畧使或
以安撫大使兼掌經畫邊鄙軍旅之事宣撫使
掌宣布威靈撫綏邊境及統護將帥督視軍旅
之事亦即今總督巡撫之任然俱不常置故不
著於表而附見於此又轉運使宋時稱為漕帥
凡一路邊防盜賊刑訟金穀按廉之任無所不

總然其初所職止催科徵賦出納綱運數事而已茲故析入布政司表內而此亦不著云

遼

遼史百官志南面方州官某州某軍節度使

王圻續文獻通考遼北面著帳郎君有節度使所掌非軍民事南面節度使設官甚衆遼二百餘年城郭相望田疇益闢冠以節度承以觀察防禦團練等使分以刺史縣令大畧采用唐制其間宗室

外戚大臣之家築城賜額謂之頭下州軍惟節度使朝廷命之後往往皆歸王府

金

金史百官志諸總管府謂府尹兼領者都總管一員正三品掌統諸城隍兵馬甲仗總判府事同知都總管一員從四品掌通判府事○諸鎮節度使一員從三品掌鎮撫諸軍防刺總判本鎮兵馬之事兼本州管內觀察使事其觀察使所掌並同府

尹

本志府尹掌宣風
導俗肅清所部

謹案金制州有三等其一曰節鎮州然特節制
當州別無支屬蓋自宋太平興國初詔廢各鎮
支郡後遂相循不改則所謂節鎮州者名沿唐
舊而實與一道置使之制異矣

元

元史百官志行中書省凡十秩從一品掌國庶務
統郡縣鎮邊鄙與都督為表裏國初有征伐之後

分任軍民之事皆稱行省未有定制中統至元間
始分立行中書省因事設官官不必備皆以省官
出領其事其丞相皆以宰執行某處省事繫銜其
後改為某處行中書省凡錢糧兵甲屯種漕運軍
國重事無不領之每省丞相一員從一品平章二
員從一品右丞一員左丞一員正二品叅知政事
二員從二品甘肅嶺北各減一員丞相或置或不
置尤慎於擇人故往往缺焉○河南江北等處行

中書省○江浙等處行中書省○江西等處行中書省○湖廣等處行中書省○陝西等處行中書省○四川等處行中書省○遼陽等處行中書省○甘肅等處行中書省○嶺北等處行中書省○雲南等處行中書省○征東等處行中書省

謹案魏晉有行臺後魏謂之尚書大行臺別置官屬唐貞觀以後廢元設行中書省中或改行尚書省所承固有自也征東行省屢置屢廢故

云行中書省凡十實十一也又元至正時增置淮南江北等處行中書省後又續增福建山東廣西膠東諸處行中書省而各行省長貳亦多所添設俱一時之制故不備著

元史百官志諸路總管府上路達魯噶齊

解見戶部篇

總管各一員並正三品下路秩從三品

續文獻通考元都總管之職蓋節度使也所掌事各不同

謹案元亦有經畧使至正十八年命經畧使問
民疾苦招諭寇盜蓋即前代宣諭招撫等使之
比其與宋之經畧使節制諸使者異矣

明

明史職官志總督漕運兼提督軍務巡撫鳳陽等
處兼管河道一員總督薊遼保定等處軍務兼理
糧餉一員總管宣大山西等處軍務兼理糧餉一
員總督陝西三邊軍務一員總督兩廣軍務兼理

糧餉帶管鹽法兼巡撫廣東地方一員總督四川
陝西河南湖廣等處軍務一員總督浙江福建江
南兼制江西軍務一員總督陝西山西河南湖廣
四川五省軍務一員總督鳳陽地方兼制河南湖
廣軍務一員總督保定地方軍務一員總督河南
湖廣軍務兼巡撫河南一員總督九江地方兼制
江西湖廣軍務一員總督南直隸河南山東湖廣
四川軍務一員總督河漕兼提督軍務一員

謹案總督漕運總理河漕二職今已析入漕運
總督河道總督表內然明之總督漕運兼巡撫
之職而總理河漕者實亦一總督也故並著之
雷禮列卿記景泰三年命左都御史王翱總督兩
廣事務自總兵以下悉聽節制然事平即歸非常
設成化元年命韓雍總理軍務兼理巡撫久之雍
請得文武大臣分理其事于是以陳瀛撫廣東張
鵬撫廣西而雍專理軍務五年御史龔成等言兩

廣宜設總督兼巡撫乃起雍總督兼巡撫於梧州
設總府巡撫復不設仍總於總督永為定制

謹案韓雍總督兩廣此為專設總督之始若正
統六年征麓川以兵部尚書王驥總督軍務景
泰元年討叛苗以巡撫河南副都御史王來總
督湖廣貴州軍務俱在王翱為總督之先然皆
因事而設非定制也明又有經畧使不專設有
兵事則暫勅行事嘉靖中以易州通州昌平州

為三輔各置經畧使一員以文臣領之尋罷其
後主邊事者多稱經畧約如總督之職茲不復

著

明史職官志總理糧儲提督軍務兼巡撫應天等
府一員巡撫浙江等處地方兼提督軍務一員巡
撫福建地方兼提督軍務一員巡撫順天等府地
方兼整飭薊州等處邊備一員巡撫保定等府提
督紫荆等關兼管河道一員巡撫河南等處地方

兼管河道提督軍務一員巡撫遼東地方贊理軍
務一員巡撫宣府地方贊理軍務一員巡撫大同
地方贊理軍務一員巡撫延綏等處贊理軍務一
員巡撫寧夏地方贊理軍務一員巡撫甘肅等處
贊理軍務一員巡撫陝西地方贊理軍務一員巡
撫四川等處地方兼提督軍務一員巡撫湖廣等
處地方兼贊理軍務一員巡撫江西地方兼理軍
務一員巡撫南贛汀韶等處地方提督軍務一員

巡撫廣東地方兼贊理軍務一員巡撫廣西地方
一員巡撫雲南兼建昌畢節等處地方贊理軍務
兼督川貴糧餉一員巡撫貴州兼督理湖北川東
等處地方提督軍務一員巡撫天津地方贊理軍
務一員巡撫登萊地方贊理軍務一員巡撫安廬
地方贊理軍務一員巡撫淮揚地方贊理軍務一員
巡撫承天贊理軍務一員撫治鄖陽等處地方兼
提督軍務一員贊理松潘地方軍務一員

徐學聚國朝典彙永樂十九年命右都御史王彰
巡撫河南時有告周府將為不軌者上欲及其未
發討之彰曰以臣之愚可不煩兵但得御史三四
人隨臣以往足矣然須奉勅以臣巡撫其地乃可
於是彰奉勅往巡撫

謹案王彰奉勅為有明設巡撫之始先是洪武
二十四年遣皇太子巡撫陝西益暫一行之非
定制也宣德中以關中江南等處地大而要特

命官更代巡撫不復罷去後遂與總督同為方面大臣當時巡撫兼軍務者加提督有總兵地方加贊理管糧餉者加總督兼理他如整飭邊關提督邊關及撫治流民總理河道等號皆因事特設並無定制觀明史所載其初所置巡撫如周忱于謙等亦未嘗不得其人自中葉以後督撫多用廷推率以營求得之又往往交結閹人為其私黨以致擅作威福朘剋民膏即名掛

彈章者亦多置之不問甚者反加遷擢益無所
顧忌惟事貪暴殃民而於國是邊防一切全不
為意浸成厲階積弛已甚我

國家損益前制大小綱維措置得宜封疆大吏職
任崇而掄擇慎我

皇上勵精圖治宵旰勤求無時不以吏治民生為念
各督撫仰膺

寵寄祇奉

德音宣力分猷小廉大法其有勤恪夙著者則考績
優叙或

特賜官銜以示寵勵如奉職不稱自蹈愆咎則或削
其冠帶或貶其品秩仍留原官以責後效甚或
至營私翫法則立正憲典以示懲警

慶讓予奪咸稟

睿裁無不凜肅

朝章交相感勵洵為郅隆之極軌矣



欽定歷代職官表卷五十